



Broj: 02-45-1-1193-4/23
Datum, 15.05.2023. godine

OPĆINSKO VIJEĆE

Izveštaj o radu i poslovanju «TRA» Agencije za razvoj Općine Tešanj d.o.o. za 2022. godinu

Skupština "TRA" d.o.o. Tešanj razmatrala je Izveštaj o poslovanju za 2022. godinu i u skladu s odredbama člana 6. stav 2. Zakona o javnim preduzećima isti dostavlja Općinskom vijeću Tešanj. Izveštaj o poslovanju obuhvata:

1. Izveštaj o poslovanju preduzeća,
2. Finansijski izveštaj i Izveštaj nezavisnog revizora,
3. Izveštaj o radu Nadzornog odbora,
4. Odluku Nadzornog odbora o usvajanju Izveštaja o poslovanju, i
5. Odluku Skupštine o usvajanju Izveštaja o poslovanju.

U skladu sa zaključcima i smjernicama Općinskog vijeća Tešanj, poslovnu aktivnost Agencije za razvoj Općine Tešanj "TRA" d.o.o. u toku 2022. godine trebala je usmjeriti na sljedeće:

- a) unapređenje rada Centra poslovne izvrsnosti kao organizacione jedinice Agencije, gdje će na komercijalnoj osnovi nezaposlenim licima i poslovnoj zajednici ponuditi obuku za više softverskih programa;
- b) redovne aktivnosti pripreme i implementacije projekata za potrebe realizacije strateških ciljeva Općine Tešanj, javnih preduzeća i javnih ustanova;
- c) pored promocije potencijala Općine Tešanj, nastaviti sa promocijom OSS ureda i pružanja podrške MSP i fizičkim licima po principu "sve na jednom mjestu" kako bi korisnici usluga u što kraćem vremenu dobili sve potrebne informacije;
- d) Agencija će posebnu pažnju posvetiti realizaciji projekta TECH LAB čijom realizacijom će se osposobiti novi Coworking prostor, koji će biti osnova budućeg Tehnološkog centra;

U cilju realizacije usvojenih zaključaka "TRA" je u planu rada za 2022. godinu postavila sljedeće ciljeve:

- a) Izrada projektnih prijedloga;
- b) Rad OSS ureda;
 - promovisati potencijale Općine Tešanj,
 - pružiti usluge i podršku MSP,
 - pružiti podršku fizičkim licima,
- b) Ruralni razvoj;
 - razviti kapacitete plasteničke proizvodnje na području općine Tešanj,
- c) Centar poslovne izvrsnosti;
 - pružiti podršku inovativnim biznisima i unapređenju konkurentnosti;

Centar za pružanje usluga poslovne izvrsnosti, kao odjel pri Agenciji, tokom 2022. godine dodatno je opremljen opremom iz oblasti aditivnih tehnologija kojom će unaprijediti rad u narednom periodu. Na ovaj način stvaraju se pretpostavke za transfer znanja u ovim tehnologijama. Osim toga na ovaj način realizirane su obuke koju su bile obaveza kroz realizaciju projekata i jedan dio obuka je realiziran na komercijalnoj osnovi. Obuke je završilo **58 kandidata**. U okviru završnice FAB LAB projekta **organizirano takmičenje za 8 inženjera** u SolidWorks programu. Sve projektne aktivnosti su uspješno realizirane.

U okviru redovnih aktivnosti **pripreme i implementacije projekata za potrebe realizacije strateških ciljeva** Općine Tešanj, javnih preduzeća i javnih ustanova, Agencija je i dalje odgovorna za realizaciju **7 strateških ciljeva**. Za svaki strateški cilj: “Unapređenje saradnje privrednog sektora i srednjih škola”, “Prekvalifikacija i dodatna obuka za mlade”, “Sajam zapošljavanja”, “Edukacija u oblasti poslovnih vještina”, “Promocija tehničke kulture u osnovnim i srednjim školama”, “Osnivanje tehničkog centra”, “Promocija etičkog odnosa poslodavca i radnika” utvrđeni su indikatori kojima se mjeri realizacija ostvarenih rezultata (rezultati prezentirani u izvještaju). Potrebno je naglasiti da je u toku 2022. godine Agencija povezala aktivnosti oko osnivanja tehnološkog centra i pripreme aplikacije-projektne prijedloga TECH LAB za Donatora ILO-međunarodna organizacija rada za opremanje novog Coworking prostora, podrška novim start up idejama, obuka radne snage i zapošljavanje – **projekat vrijedan 306.352 KM, odobren od strane donatora – nastavak realizacija i u 2023. godini**. Ovo će ujedno predstavljati početni korak u osnivanju budućeg tehnološkog centra.

U okviru aktivnosti **projektne menadžmenta** u 2022. godini Agencija je imala za cilj za pripremi minimalno 3 projektne aplikacije. U skladu sa postavljenim ciljem **pripremljeno je ukupno 5 projektne aplikacije a odobrena sredstva su 4 projekta ukupne vrijednosti 357.908 KM**. Odobrena četiri projekta čija je realizacija u toku ili je okončana:

1. **TECH LAB, ILO-međunarodna organizacija rada**, budžet projekta **306.352 KM** od čega grant sredstva donatora iznose 238.934 KM (doprinjeti razvoju poduzetništva i integracije nezaposlenih osoba na tržište rada), odobren-realizacija u toku;
2. **Unapređenje preduzetničke infrastrukture, FMRPO** – budžet projekta 8.000KM, grant sredstva 8.000KM (unapređenje Centra za pružanje usluga poslovne izvrsnosti), odobren;
3. **Unapređenje preduzetničke infrastrukture, Ministarstvo privrede ZDK** – budžet projekta 9.255KM, grant sredstva 9.255KM (unapređenje Centra za pružanje usluga poslovne izvrsnosti), odobren;
4. **IT agri, Ministarstvo privrede ZDK** – budžet projekta 34.328 KM, grant sredstva 20.000KM (unapređenje plasteničke proizvodnje);

Na osnovu iznesenih podataka može se konstatovati da je Agencija svoje projekte pripremala u skladu sa raspoloživim i dostupnim javnim pozivima, te da je projektne aktivnosti u toku 2022. godine bila uspješna.

OSS Ured uspostavljen je u sklopu aktivnosti usmjerenih na kreiranje povoljnog poslovnog okruženja, promocija ekonomskih potencijala Općine Tešanj, teritorijalnog marketinga, podrška izvozu i investicijama, odnosno osnovni cilj je promovisanje potencijala Općine Tešanj. Kao očekivani rezultat u toku 2022. godine bila je:

- realizacija “Outreach” kampanje za privlačenje investitora (realizovana kampanja),
- nastup na Sajmu i realizirani B2B susreti – nastup općine Tešanj i Agencije na Sarajevo Business Forumu, ostvareni kontakti sa predstavnicima Ambasada i inostranih kompanija te predstavljani potencijali općine Tešanj.
- realizaciji cilja pružanja usluga MSP i fizičkim licima, utvrđeni su indikatori kojima se mjere ostvareni rezultati. Cilj je realiziran kroz projekt mentorstva za četiri metaloprerađivačke firma i jednu tekstilnu. Osim toga podrška MSP je realizirana kroz razne aktivnosti i pomoć kod javnih nabavki, priprema aplikacija po osnovu javnih poziva za MSP i fizička lica kao i aplikacija za koje je potrebno poznavanje engleskog jezika, distribuirane informacije o svim dostupnim fondovima, pozivima, tenderima itd.

Ruralni razvoj realiziran je kroz proširenje kapaciteta plasteničke proizvodnje i savjetodavnu podršku poljoprivrednim proizvođačima. U toku 2022. godine proizvedeno je dodatno cca **42 t** raznih kultura povrća i jagodičastog voća. Isporučeno je ukupno **20 plastenika** za porodice sa djecom sa posebnim potrebama od po 50 m² sa svom pretećom opremom za sadnju. Osim toga u cilju unapređenja strukture poljoprivrednog zemljišta i mjerenja određenih parametara, Agencija je kroz redovan posjet i obilazak korisnika pružala kontinuiranu savjetodavnu pomoć.

Agencija zapošljava 4 radnika, od toga zaposleno 1 žena i 3 muškarca. U toku 2022. godine prosječna neto plata zaposlenih zadržana je na prošlogodišnjem nivou 1.373 KM (svi zaposleni imaju VSS), posljednja minimalna plata isplaćena je u iznosu od 1.135 KM, maksimalna u iznosu od 2.100 KM, topli obrok u vrijednosti 231 KM po radniku i regres u iznosu 450 KM po radniku.

U toku 2022. godine Agencija je ostvarila ukupne prihode u iznosu od **650.044 KM ili 20,52 % više** nego prethodne godine. Rashodi su pratili kretanje prihoda pa je u skladu s tim ostavljen pozitivan finansijski rezultat u vidu ostvarene neto bodobiti u iznosu od 5,00 KM.

Općina Tešanj u ukupno ostvarenim prihodima Agencije učestvovala je sa **19,36%**. Dotacija Općine Tešanj u 2022. godini iznosila je 196.000 KM u čine je grant za bruto plate i naknade – 85.000 KM, materijalni troškovi – 28.000 KM, učešće Općine za realizaciju projekata 66.000 KM i projekti Strategije Općine Tešanj 17.000 KM.

Agencija je u odnosu na prethodnu godinu imala veći broj predmeta po gotovo svim ciljanim skupinama, dok su svi primljeni zahtjevi i riješeni (pregled u Izvještaju). Osim toga Agencija ima razvijenu jednu novu uslugu, mentorstvo prema MSP. Povećan je broj ciljanih skupina korisnika kojima su pružane određene usluge, kroz rad OSS ureda i implementaciju odobrenih projekata i projekata iz Strategije Općine Tešanj. U skladu sa smjernicom Općinskog vijeća Tešanj i organa Agencije umanjene su aktivnosti u sektoru poljoprivrede, kako bi se povećao obim aktivnosti u drugim oblastima.

U okviru poslovanja Agencije, jednom godišnje provodi se anketiranje zadovoljstva korisnika usluga. Od ukupno anketiranih 88% se izjasnilo da su zadovoljni uslugama, da zadovoljavaju njihovim potrebama očekivanjima, dok je 12% anketiranih smatralo da je potrebno dodatnog vremena za pružanje predmetnih usluga (nisu nezadovoljni). Rezultati ankete se objavljuju na web stranici preduzeća.

Nadzorni odbor Agencije održao je 6 sjednica, uz redovno izvještavanje Općine. Nadzorni odbor smatra da je poslovanje TRA d.o.o u značajnoj mjeri unaprijeđeno u odnosu na prethodne godine, što je vidljivo iz ostvarenih rezultata. Postavljeni ciljevi su ostvareni, neki od njih su i premašeni, finansijski pokazatelji su značajno veći zahvaljujući sredstvima koje je Agencija ostvarila putem projektne aktivnosti. Značajan doprinos postignutim rezultatima dao je i Nadzorni odbor, postavljajući jasne smjernice Upravi Društva s ciljem unapređenja poslovanja.

Zaključci i smjernice Općinskog vijeća Tešanj za „TRA“ u 2022. godini

1. Unapređenje rada Centra poslovne izvrsnosti kao organizacione jedinice Agencije, gdje će na komercijalnoj osnovi nezaposlenim licima i poslovnoj zajednici ponuditi obuku za više softverskih programa;
2. Redovne aktivnosti pripreme i implementacije projekata za potrebe realizacije strateških ciljeva Općine Tešanj, javnih preduzeća i javnih ustanova;
3. Pored promocije potencijala Općine Tešanj, nastaviti sa promocijom OSS ureda i pružanja podrške MSP i fizičkim licima po principu “sve na jednom mjestu” kako bi korisnici usluga u što kraćem vremenu dobili sve potrebne informacije;
4. Agencija će posebnu pažnju posvetiti realizaciji projekta TECH LAB čijom realizacijom će se osposobiti novi Coworking prostor;





D.o.o. „TRA“ Agencija za razvoj općine
Tešanj, Trg Alije Izetbegovića br.1
74260 Tešanj
Tel./Fax: +387 32 650 608; +387 32 650 390;
e-mail: tra@tra.ba

Broj: 04-04-133/23

Datum: 12.04.2023 .godine

Na osnovu člana 24. stav 2, tačka 3). Statuta, „TRA“ d.o.o-Agencije za razvoj općine Tešanj br: 004/10, 028-3/13 i člana 2. Poslovnika o radu Nadzornog odbora d.o.o „TRA“-Agencije za razvoj općine Tešanj br: 035/10. Nadzorni odbor Agencije na svojoj 14. sjednici održanoj 12.04.2023.godine, **donosi:**

ODLUKU

o usvajanju Izvještaja o poslovanju „TRA“ d.o.o-Agencije za razvoj općine Tešanj za 2022. godinu

Član 1.


Usvaja se Izvještaj o poslovanju „TRA“ d.o.o-Agencije za razvoj općine Tešanj za 2022. godinu.

Član 2.

Tekstovi Izvještaja o poslovanju „TRA“ d.o.o-Agencije za razvoj općine Tešanj, za 2022. godinu, nalaze se u prilogu ove Odluke i čine sastavni dio iste.

Član 3.

Ova Odluka stupa na snagu danom donošenja.


Predsjednik Nadzornog odbora TRA Agencije
Šerif Plančić
Šerif Plančić, prof.

Dostaviti:

1. Upravi
2. Skupštini
3. a/a

